

報

恩

論

(上)

桐鄉沈善登述

報

恩

論

上海佛學書局印行

報恩論目錄

卷首

證經十二則

答問二十五則

卷正上

淨土法門綱宗

無量壽經綱宗

往生正因定論

辨正五逆謗法不得往生說

二教通喻

雜說十八則

方維甸抱璞子序

代眾回向發願疏

寫經記

卷正下

醒迷歌五十章

勸俗歌五十章

往生公據

阿彌陀經禮想儀

戒殺懺願偈

附錄慈雲懺主懺願文

附一法治四病說

改正玉峯師作
原名四大要訣

改定僧玉峯摩崖圓滿白眾偈

小霍山摩崖道場寫經始末記

卷附

上鍾子勤夫子書

以下三書勸讀
書人兼論道家

其一

其二

其三

穀梁補註再書後

是篇以天佛聖合言之可見道無方
體當下卽是說異說同祇成戲論

致楊仁山書

代許息安

善生經序

精嚴寺同戒錄序

代妹壻劉頌年作此篇
勸官長護法維繫民心

又序

此篇勸信入法門者可證禪教律三宗統歸淨宗攝無不盡

天台縣護持叢林永禁私佔示

代妹塔劉頌年作可爲護法榜樣

募修揚州高旻寺正殿疏

代寺僧了凡作勸緇素各安本分即俗恆真

募修正覺寺緣起

勸法門中人護持台教陰翊皇度崇正辟邪

補玉峯師念佛開心偈六首

達磨祖師像讚

又指畫像讚

大通智勝佛拈頌

靜坐箴

留仙閣頌

經正民興說

報恩論卷首

桐鄉沈善登述

海鹽張常惺校錄

造論述意 千經萬論處處指歸淨土者。祇是從現前一念動處著力。大本無量壽經所謂閉塞諸惡道。通達善門兩言盡之矣。光緒戊寅春。爲杭州小霍山摩崖事。與張子簡常惺等結壇鄧尉聖恩寺。念佛寫經。寫畢造此論。一壇共五人。以三爲班。輪轉五十三晝夜。不斷聲。限香進退。故祇能據魏譯大本。直抒胸臆。隨口誦出。子簡錄稿。晝凡四輪。退息各三刻。積十二刻。支支節節而爲之。越兩旬餘方成。得文五篇。雜說二十八則。詩歌共若干章。都凡二萬餘言。依三藏例統名爲論。因摩崖山名。適符本朝壽嶽伏念列聖家法相承。宏揚佛教。與儒並隆。深恩至計。保我子孫黎民。萬世永賴。故取寺名一

字題曰報恩。庶幾覽者相與護持。以維繫人心。共圖報答。論出後。傳鈔頗不乏人。今忽忽二十年矣。老病日深。不能復進。欲刊布之。而慮自來說淨土者。濫入禪宗。高談元妙。佛法世法。打成兩橛。則全失如來設教本旨。而於此反增疑障。故復徧引淨宗諸經。并注解之以證明論義。列於卷首。而寫經前後所說。有相關涉者。別編一卷附焉。凡夫鈍根。讀書少。涉世淺。見理粗。未知孔教如何。佛教如何。但知自古至今。未有離卻萬億愚賤之心。而可以爲教者。未有支離刻覈。使人救過不暇。而可以教民者。未有有民不教。聽其放辟邪侈。而可以爲國者。未有君民同一教。士大夫別一教。而尙能用其民者。未有不能用其民。而其國不衰弱。能用其民。而其國不强盛者。如是而已。故自貢其醜拙。以俟十方縑素。及當代賢士大夫教政之。尙冀餘生得有所聞。渙若沈疴之去體云爾。光緒丁酉夏沈善登識。

證經十二則

佛說無量壽經

魏康僧鎧譯

云。佛告阿難。十方世界。諸天人民。其有至心願生

彼國。凡有三輩。其上輩者。捨家棄欲。而作沙門。發菩提心。一向專念。無量壽佛。修諸功德。願生彼國。此等衆生。臨壽終時。無量壽佛。與諸大衆。現其人前。卽隨彼佛。往生其國。便於七寶華中。自然化生。住不退轉。智慧勇猛。神通自在。是故阿難。其有衆生。欲於今世。見無量壽佛。應發無上菩提之心。修行功德。願生彼國。佛告阿難。其中輩者。十方世界。諸天人民。其有至心願生彼國。雖不能行。作沙門。大修功德。當發無上菩提之心。一向專念。無量壽佛。多少修善。奉持齋戒。起立塔像。飯食沙門。懸繒然燈。散華燒香。以此迴向。願生彼國。其人臨終。無量壽佛。化現其身。光明相好。具如眞佛。與諸大衆。現其人前。卽隨化佛。往生其國。住不退轉。功德智慧。次如上輩。

者也。佛告阿難。其下輩者。十方世界。諸天人民。其有至心欲生彼國。假使不能作諸功德。當發無上菩提之心。

彌陀疏鈔云。智論五菩提心。一發心菩提。謂於無量生死中發菩提心也。

而持名正於凡夫生死心中起大覺故。二伏心菩提。謂斷諸煩惱降伏其心也。而持名則正念纔彰。煩惱自滅故。三明心菩提。謂了達諸法實相也。而持名正即此一心。明了一切諸法實相故。四出到菩提。謂得無生忍。出三界到薩婆若也。而持名即得一二三忍。提超生死趨一切智故。五無上菩提。謂坐道場成最正覺也。而持名則得不退轉地。直至成佛故。一向專意。乃至十念念無量壽佛。願生

其國。若聞深法。歡喜信樂。不生疑惑。乃至一念念於彼佛。以至誠心願生

其國。此人臨終。夢見彼佛。亦得往生。功德智慧。次如中輩者也。

論據此譯。故列於前。

謹按此經。有漢魏吳唐宋五譯。而此魏譯。文辭詳贍。義理圓足。故自來

講家多據之。唐譯差與相近。蓋同一梵本也。宋譯亦甚明暢。而辭句前

後大異。又一梵本也。漢吳二譯。文辭拙澀。而義有相補備者。則又一梵

本也。其所以不同之故。略攷諸經。約有三端。一則譯手巧拙不同也。如

楞伽三譯。金剛六譯。及此小本兩譯皆是。此類文小異而義大同。足見梵本之一。例如儒者解經。各有短長。蓋以華文化梵語。是橫繙也。以今人解古書。猶直繙也。其於原本。畢竟非一非二。而善讀者。就此參觀互考。以意逆志。自能得之一。則梵本傳寫不同也。此類義同而文多寡大異。密部諸咒。最顯而易見。佛以一音演說法。衆生隨類各得解。大經大會。記錄自不一手。傳鈔浸廣。久而沿譌作僞。皆人情事理之常。統亂六師。鉢碎五分。迦釋阿難。結集多至四次。正爲此也。例如兩楹夢奠後。七十子之徒。友教四方。六經傳本。各自成家。奚待祖龍。始聞潦鶴。迨法流東土。去聖愈遙。張霸劉歆。王肅之徒。何國蔑有。隋唐之際。別編疑惑僞妄二門。足爲中流砥柱矣。識緯概託孔門。後世遂動稱符命。蓋以多知經之僞。閱藏知津已辨之。若儒童菩薩之爲孔子。大迦釋之爲老聃。明是梵僧巧見。因道家僞造。老子化胡經。借以報復。特牽率孔聖以混其

迹。而宗鏡錄乃微引不疑者。則如李長者之借易釋華嚴。欲以間執迂儒疑謗之口。非出本心。諸如此類。安得有大雅宏達。盡通漢唐以來諸儒門徑。及其用心之處。然後博觀全藏。一則本師前後宣說不同也。四而分類校訂之。爲之執鞭。所欣慕也。

十九年說法大半本諸先佛遺經。所以本經讚德文中。有博綜道術。貫

學博究爲一難。如壇經出後。人人藉口六祖。法門之所以日衰也。迦釋佛涅槃時。藏諸珠函。并作書一

通。囑付樹神。迨本師出世傳授之。說見廣宏明集。梵網法華。文有明證。

阿難出家時。先與佛約。以前所說諸經。未曾聞者。請佛重說。佛許可之。

說見釋迦三譜。不記出何一種。阿難所指。蓋卽遺經。若佛平時與弟子泛說法

要。如四諦六度十二支十八處等。寥寥數十言。藏中多集爲經。豈能一

一重說。不言可知。彌陀成佛在十劫以前。十方諸佛無不讚歎。例如孔

堯舜。佛佛道同。本師三百餘會說法。既多指歸淨土。則自然屢說不一說。

而亦隨時隨機。開通大意。依義不依語。顯然可知。例如論語稱知仁勇。

祇三言耳。而前後序次不同。稱不患人之不知。祇兩言耳。而四見各異。世間經師。尙不貴記問之學。況在佛智。此經之所以多譯。而又見前兩種之不同也。至王龍舒彙集之本。以意棄取。自不足記。近邵陽魏氏所訂。更不必論矣。

又按此經三輩皆善類。觀經九品有惡人。兩說互異。而實相足相成。蓋衆生因地。萬別千差。不特三三無盡。九九亦無盡。緯以四土。相望更覺懸殊。此經上輩當出家。中下二輩當在家。乃從其多數粗舉大凡。故云凡有三輩。觀經就此大凡。略開爲九。而又極其優降。以括無量行因之不齊。其大意以五品以上約四聖。以下約六凡。極其優則自初信以至等覺。皆在其中。故智者大師僅登五品。非在家也。劉遺民三度見佛。衣覆手摩。自當上輩。非出家也。而凡蓮宗諸祖。及維摩賢護等。一切緇素。

名德之往生者。例推可知矣。極其降則自五停心以至一切含靈。皆在其中。故中下品內有但四禪。非謂盡屬但四禪也。下二品內有五逆。非謂盡屬五逆也。而凡初心邪外。及六道三塗一切緇素常流之往生者。例推可知矣。若齊文定旨。則六道缺二。三塗僅一。觸途成滯。云何可通。三輩皆善類者。彌陀本願。十念往生。唯除五逆謗法者。謂極惡重罪。不通懺悔。餘惡雖重可悔。非謂可作也。故本師云。諸欲往生彼國者。雖不能大精進。大要當作善。悔則改過遷善。同歸於善。喻如畔逆投誠自拔。許立戰功。義在勸降。豈云賞盜。大聖作用。張弛隨時。世出世間。理無二致。至九品有惡人者。正是時節。因緣不同。已詳辨於論中。無取和會。言各有當。諸經不可和會者甚多。此經彌陀本願。說五逆謗法。不得往生。唐譯本亦說不得往生。惟觀經一說得往生。故疏鈔釋之。辭理皆極意斟酌。並不和會。乃後人巧見。必欲和會。以稱能。且不以一本牽合多本。反以多本牽合一本。以爲如此方見淨土收機之盡。然則彌陀本師說法。皆不免三滲漏乎。我不知其居心爲何等也。

佛說無量清淨平等覺經

漢支婁迦識譯

云佛言其中輩者其人奉行施與如是

者。若其然後中復悔。心中狐疑。不信分檀布施作諸善。後世得其福。不信有無量清淨佛國。不信往生其國中。雖爾其人續念不絕。暫信暫不信。意志猶豫。無所專據。續結其善願爲本。續得往生。其人壽命病欲終時。無量清淨佛。則自化作形像。令其人目自見之。口不能復言。便心中歡喜踴躍。意念言。我悔不知益齋作善。今當生無量清淨佛國。其人則心中悔過。悔過者過差少。無所復及。其人壽命終盡。則生無量清淨佛國。佛言。其三輩者。其人作是以後。若復中作悔心。意用狐疑。不信作善。後世當得其福。不信往生無量清淨佛國。其人雖爾。續得往生。其人壽命病欲終時。無量清淨佛。則令其人於臥睡夢中。見無量清淨佛國土。其人心歡喜。意自念言。我悔不知益作善。今當生無量清淨佛國。其人但心念是。口不能復言。

則自悔過。悔過者過差減少。悔者無所復及。其人命終。則生無量清淨佛國。

謹按此段吳譯本全同。不復錄。據此可見重在作善。散心得生之明證。

阿彌陀經

吳支謙譯

云。諸欲往生阿彌陀佛國者。雖不能大精進。禪定持經戒。

大要當作善。一者不得殺生。二者不得偷盜。三者不得姪洩。四者不得調

欺。五者不得飲酒。六者不得兩舌。七者不得惡口。八者不得妄言。九者不

得嫉妬。十者不得貪饕。不得心中有所慳惜。不得瞋怒。不得愚癡。

此經原名。佛說

阿彌陀三耶三佛薩樓佛檀過度人道經。

謹按此段云云。卽魏譯三輩中下二品。專指在家衆也。全文已載論中。

今略釋之。戒有多品。皆以在家五戒爲根本。其云一者不得殺生等。卽

就五戒而一反一正推言之耳。五戒全持。名滿分戒。持三四名多分戒。

但持一二名少分戒。從師求三皈并受戒者。則名持戒。已入戒品也。無
皈戒而自持者。但名作善。未入戒品也。由少分漸加至滿分。亦可名精
進。更受優婆塞戒。漸加至菩薩戒。則名大精進矣。其實同是作善。而分
別言之者。求受不破犯利益大。破犯者罪過亦大。未求受者反之。

大寶積經無量壽會

唐菩提流志譯

云。阿難。若他國衆生。發菩提心。雖不專念無

量壽佛。亦非恆種衆多善根。隨已修行諸善功德。迴向彼佛。願欲往生。此
人臨命終時。無量壽佛。卽遣化身與比邱衆。前後圍遶。其所化佛。光明相
好與真無異。現其人前。攝受導引。卽隨化佛往生其國。得不退轉。無上菩
提。

謹按此段。可見散心往生。重在發願回向。卽魏譯本萬善迴向之謂也。
言隨已修行諸善功德者。可見不論世法佛法。但是善事。皆可迴向。專